



Уламо ва бойларимиз иттифокга келмовлари ила баробар сайловни зўр тартибсизлик ила ўтказдилар. «Шўрои ислом»га товуш берувчига такфир килувлардин ва бошка зўрлик ила ўз нўмирларини халкка таратувдин, учунчи нўмирни олмай ўнунчига товуш берувни хохлаганларни махалладан чикармок, ўлук-тиригига кирмаслик ила тахдид килдилар. Сайлов куни низомга хилоф ўларок, хар кимни ўз тарафига кучлаб ундадилар. Масалан бизнинг «Беш огоч» дахасина тобеъ «Хўжа Нуриддин» мозорида шундай воқиъалар бўлди: эрта билан сайловга бормок касди ила кўчага чикдим. Катта саллалик муллалар, зўр коринлик бойлар кўлларинда даста-даста ўз сайлов нўмирларин олиб, баланд овоз ила ўткан-кетканларга ўз нўмирларин таргиб килмакда, хаттоки «Учунчини олмаган кофир! Ўнунчини хохлаган бадмазхаб!» деб кичкирмакда эдилар. Бу зотларнинг хадларидан бунча тажовуз килганларига таассуф чекиб, участка эшикига етдим. Бу ерда кўлларинда учунчи нўмир когаз ушлаган муллалар ва махалла имомлари дасталаб бўлиб, контрўл равишинда текшириб, агарда учунчи тарафдори бўлса хўб,

Ўнунчи бўлса неча хил мазаммат ила кўлидан конвертин олиб, ўз кўллариндаги учунчи жойланган конвертни бермакда эдилар. Сайлов бутун боскунчилик холин олган эди. Бу холни кўргач, милитсияга мурожаат килдим. «Маат-таассуф, муллалардан кўркаман!» деган жавобни эшитдим. Раисга билдирмок бўлиб эдим, тигизликдан уйга кирмок мумкин бўлмади. Хайрон бўлиб туриб эдим, бир танишим ёнимга келиб: «Бу ерда ўнунчидан дам ура кўрманг, муллаларнинг тарафидан кўюлган махсус кишилар бор, агарда муллаларга еткузсалар снзга хужум килувлари эхтимол», деди. Вокиъан хужум килувларин ўзимда сезган эдим. Чунки баъзи муллаларнинг ва бойларнинг ўз огзидан: «Хар ким ўнунчига таргиб килса тўб-тўгри уриб ўлдириш», деганларини халидан хали эшитмакда эдим. Бу холларни кўргач, бутун хушим бошимдан учди.

Бояги эшик контрўллари олдига кайтиб оларнинг сиёсатларига караб туриб эдим, кора куч тарафдорлариндан бир махдум менга ўкрайди. Бу мухтарам зот-бобаракот махдумнинг хўмраювин дарров сездим ва дедимки: «Махдум афанди, мен халкни тахдид ва такфир ила кўркутиб «Шўрои ислом» испискасига таргиб килмаячкмин. «Шўрои ислом» бу ишни хар бир кишининг инсоф виждонина топширмишдир. Аммо сиз мухтарам махдумнинг уламо-боён жамиятингиз тарафидан билмадим на учундир низом ва конунга хилоф харакатлар кўрулмакдадир. Менга ўкрайманг! Хаксизлик каю тарафда бўлса шу тарафка ўкрайинг!», дедим.

Шу аснода атрофимни халиги махдумга ўхшаш зотлар чулгаб олмиш, гўёки махдумнинг буйругини кутмакдалар, токи менга хужум келтурсунлар. Махдум ранги бўзарган холда маним ёнларимга ва кўлтугим орасига каранур эди. Токи ўнунчи нўмирдан бўлса тортиб олсун хамда дўстларига буюриб урдирсин. Менда хеч нарса йўглигини билиб бошка тарафка йўналди.

Хамон бояги боскунчилик хукм сурмакда, ўнунчини йиртиб, учунчини бермок давом этмакда, балки борган сайин ривожланмакда эди. Такфир ва тахдидлар...

Шул орада ёшлардан мулла Зайниддин афанди Хусаинов кора куч тарафиндан каттиг равишда кийналди. Бу холларни кўргач, кора халк орасинда турмакни хавфлик санаб, участкадан чиқдим. Маним ила баробар кўб кишилар учунчига овоз берувга виждонлари кабул килмай, ўнунчига бермокка муллалардан кўркиб, сайловдан махрум бўлиб кетдилар. Биноан алайхи бу сайловимиз яширин, текиз, хар кишининг хохишича бўлмай, уламо, бой ва махдумлар боскунчилиги остинда ижро этилди. Бунга таассуф этмаска мумкин тугил. Чунки учунчи испискада хуррият ва хукукга шул кадар карши эскилик тарафдори кора гурухлар борки, булар хоким бўлганда на бир тартибли мактаб ва на бошка ислохот кўрурга мумкин тугил.

Мазлум (Эски шахарлик)

«Улуг Туркистон»[2] — 1917 йил, 4 август, 20-сон, 4-бет